



Anthon Frederiksen, Inatsisartuni ilaasortaq, Partii Naleraq /-Maani

Kissaq sinneruttartuq pillugu § 37 naapertorlugu apeqqummut akissut

Asasara Anthon Frederiksen

Innaallagissiorfinnit dieselitortunit pilersuinermi kissap sinneruttup atorluarneqarnissaa pillugu apeqququtinnut qujanaq. Matuma kinguliani apeqququtitit ataasiakkaarlugit akissuteqarfigaakka.

1. Nukissiorfinni olie-mik atuiffiunerusuni kiaap sipporuttup atorneqanngitsoortarnera ataatsimut katillugit ukiumut agguaqatigiisitsinikkut qanoq aningaasanik amerlatigisunik atuiffiusarpa/ annaasaqaataasarpa?

Akissut:

Ilisimatitsissutigisinnaavara, innaallagissiornermi kissap sipporuttartup, matuma kinguliani kissamik sinneruttumik taagukkama atorluarneqarnissaa sapinngisamik anguniartaratsigu.

2014-imi Nukissiorfiit innaallagissiorfinnit dieselitortunit kissap sinnera atorlugu kiassarnermi 54.000 MWh-nik pilersuisimapput. Tassunga assersuutitut ilisimatitsissutigineqarsinnaavoq, eqqakkanik ikuallaanermi akunnaallisarlugit 28.000 MWh-t pilersuutigineqarsimmata.

2014-imi innaallagissiorfinnit dieselitortunit kissap sinnera atorneqanngitsoq tamarmiusoq imatut naatsorsorneqarsinnaavoq:

Illoqarfinni kissap sinnera atorneqanngitsoq	33.200 MWh ¹
Nunaqarfinni kissap sinnera atorneqanngitsoq	23.100 MWh
Kissap sinnera atorneqanngitsoq katillugu	56.300 MWh

Kissap sinnera aningaasangorlugu naatsorsorneqarsinnaasunngorlugu eqqortumik nalilerneqarnissaa ajornakusoorpoq. Kiassaat uuliatortoq atorlugu kissap taama

¹ Innaallagissiornermi kissap sinnerata atorneqanngitsup naatsorsorneqarsinnaanera nalorninartuqarpoq. Naatsorsuinermi illoqarfiit nunaqarfiillu Nukissiorfinnit pilersorneqartut kisimik ilaatinneqarput. Naatsorsuinermi aamma dieseloliap, innaallagissiorfinnit dieselimik atuisunit atorneqartup 40 procentiata missaata innaallagissiornerup atorneqartarneranik, taamaaqataatalu, 40 procentiata missaata, kissamik pilersitsiviusarneranik isumaqarneq tunngavigineqarpoq. Siaruarterinermi annaasat ilaatinneqanngillat.

20-08-2015
Sags nr. 2015-7445
Akt. nr. 878754

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

annertutigisup tunisassiarineqarsinnaanera aallaavigineqarsinnaavoq, taamatut kissamik tunisassiorneq nalinginnaasumik kissap sinnera atorlugu kiassanermut taartaasinnaammat.

Nalileeriaaseq nassuiaatigineqartoq atorlugu kissaq sinneruttoq atorneqanngitsoq ukiumut 39 mio. koruunit missaannik naleqarpoq². Nalileeriaaserli taanna missiliuinerinnaavoq, aammalu teknologiimik nutaamik ikkussuineranut, ingerlatsineranut aserfallatsaaliuinernullu aningaasartuutit ilaatinneqanngillat. Sumiiffinni amerlasuuni kissap sinneranik isumalluutini atuinissaq ajornarpoq inuiaqatigiillu aningaasaqarnerat eqqarsaatigalugu iluanaarutaasinnaanani.

Kissap sinneranik atuisoqassappat, kissap sinneranik katersuisinnaasumik aammalu ungasianiit aqqusersuutit aqutugalugit siaruarerisinnaasumik atortuliisoqartariaqarpoq. Ungasianiit kiassarnermut aqqusersuutini sanaartorneq akisuujuvoq, kissarlu ungasinnerusumut assartorneqassappat ingerlanerani kissamik annaasaqartoqartussaavoq. Tamatuma kingunerisaanik sumiiffinni amerlasuuni, soorlu innaallagissiorfeeqqamit kissap sinneranik killilimmik pilersitsisartumit, imaluunniit illut siammasippata, taamaalillunilu ungasissumut sanaartortoqassappat kissap sinneranik atuinissaq imminut akilersinnaanngilaq, ungasianiit kiassarnermut aqqusersuutit akisuut sananeqartussaammata.

2. Kiaap atorneqanngitsoortarput atorluarneqarnerunissaa anguniarlugu naalackersuisut qanoq pilersaaruteqarpat?

Akissut:

Naalackersuisut Nukissiorfiit kommunillu suleqatigalugit nukissiuuteqarnermi isumalluutitsinnik annertusaanissaq aalluppaat, tassanilu ilaatigut innaallagissiorfinnit dieselitortunit ikuallaavinnillu akilersinnaasunit kissap sinneranik atuinissaq ilaatinneqarpoq. Sanaartorfissagissaanernut iluarsaassinernullu atatillugu kissap sinneranik atuinissaq pingaartinneqartorujussuuvoq.

Assersuutigalugu Nukissiorfiit illoqarfinni annerni ungasianiit kiassarnermut nunap assingini inaarsaapput. Tamatuma kingorna nunap assingi taakku kommunit ungasianiit kiassarnermik annertunerpaamik atuinissaq qulakkeerniarlugu, najukkanut pilersaarutit teknikkimut tunngasortaannik nutarterineranut atorsinnaassavaat.

3. Qaanaami nukissiorfimmi kiaap maangaannartinneqartussaagaluartup atorluarneqalersimanera aningaasanngorlugu ukiumut agguaqatigiisitsinikkut qanoq naleqarpa?

Akissut:

Qaanaami innaallagissiornermit kissap sinneranik ungasianiit kiassarnermut aqqusersuutit aqutugalugit kiassarnermik atuisoqarpoq, kisiannili aamma tamatuma saniatigut ungasianiit kiassarnermut aqqusersuutitigut kissaq utertoq Qaanaami imermik pilersuinermi nilannik aatsitsineranut atuisoqartarluni.

² Uuliamut literimut akiusoq 6,20 koruuniusoq aamma kiassaatiq uuliatortup atuisinnaassusiata 90%-iunera aallaavigalugu.

2014-imi Qaanaami kissap sinnera atorneqartoq 3.703 MWh-nik annertussuseqarpoq. Uulia atorlugu kissamik taama annertutigisumik tunisassiortoqartuuppat, Polaroil-ip maanna ikummatissamut akigititai tunngavigalugit ikummatissamut aningaasartuutitut 2,6 mio. koruunit missaat atorneqarsimassagaluarput. Taakkunanngaanniit aningaasaliinermut kiisalu atortunik il.il. ingerlatsinermut aserfallatsaaliuinermullu aningaasartuutit ilanngaatineqassapput.

Inussiarnersumik inuulluaqqusillunga

Mala Høy Kúko